

آبونه شرائطی : هر بر ایچون
 سنه لکی (۴۰۰) الی ایلنی
 (۲۲۵) ، ممالک اجنیه ایچون
 سنه لکی (۴۵۰) ، آلتی آیلنی
 (۲۵۰) غروشدور.

نسخه سی ۷،۵ غروشدور .
 سنه لکی ۵۲ عدددر .

اداره خانه : باب عالی جاده سنده
 رشید افندی خانه

اخطارات

آبونه بدلی پیشیندر .

مسلمه موافق آثار مع المنونیه
 قبول اولتور . درج ایدلین
 یازیلر اعاده اولتماز .

والله یهدی من یشاء الی صراط مستقیم

باش محرر
 محمد حاکف

صاحب و مدیر
 اشرف ادیب

آدره سی بیله آیرمجه
 غروش کوندرملیدر .

مکتوبلرک امضاری واضح
 و اوقوناقلی اولسی و آبونه
 صره نومروسی محتوی
 بولونسی لازمدر

ممالک اجنیه ایچون آبونه
 اولانلرک آدرس لرینک
 فرانسجه یازلسی رجا اولتور .

یاره کوندردلیکی زمان نهیه
 دائر اولدینی بیلدیرلسی
 رجا اولتور

اتبعون اهدکم سیل الرشاد

الکشاف

۱۳۳۰

فقط، بوخصوصده، هرشیدن اول زیان کورن، مغلوبیته دوچار اولان بشقه بر شخصیت معنویه وار: علوم دینه... مکتبی یوق، مدرسه سی یوق... معارف دینه ساحه سنده مرکوز ساده، جه برهیکل وار: الهیات فاکولته سی!

اولیه بر الهیات فاکولته سی که تملی یوق، استنادکاهی یوق، پروغراملرنده علوم دینه درس لرندن بشقه نه آراسق بولورز. رئیس خاص الخواصی، طلبه نك ذهنی شمیدین یا کاش استقامتله طوغری سوق ایتمه ک جالشیر، رئیس عام العوامی ایسه «حیاتدن و تاریخنن طرد ایتدیکمز صوفته لنی دارالفنونه صوفق ذلتی قبول ایدمه یز». دیور! صوفته لنگ علوم دینه حامیلکنندن بشقه بر معناسی واری در؟ وار سوزک معناسی ده «علوم دینه یی دارالفنونه صوفق ذلتی قبول ایدمه یز». دیمک دکلی در؟ علوم دینه درس لری الهیات فاکولته سی پروغرامندن حقیقه چیقاریلادی می ۱۹.

بالذات معارف وکیلی، مطبوعات مخارلرینه بیاناننده، «مدرسه لرك الغاری قرارینی امضالارکن دویدیغ سرور متهیجانه یی هیچ بر صفحه حیاتمه دویامشدم». دیمه دی می؟ مدرسه لرك علوم دینه منابعندن بشقه برشی اولما دقلرینی بیلمه یی واری در؟ معلوم محاکمه ائساننده، غزته جیلر علیهنده تنظیم ایتدیکی ادا نامه کی رسمی بروثیقه ده غزته جیلردن زیاده - بلامناست - «صوفته» لنه هجوم ایتمه دی می؟ سوخته لنگ، مدرسه لرك، علوم دینه نك مترادف کله لردن، لفظ لردن اولدقلرینی بیلمه یی طرف می در؟ عربلر «الثمره تنی عن الشجرة» دیرلر. «آمار اشجارک آینه هوی در» دیمکدر، رؤسای معارفک اوکی سوزلری ده کندی ذهینت لرنک آینه هوی دکلکی در؟ اودهنیتده کی معارف رؤسانک تنظیم ایدم جکلری مکاتب ابتدایه پروغرامی بالطبع بویه اولور.

محیی عقیف

مدنی شهر نظام لری

~~~~~

بزده، اخلاقی واجتماعی انضباط لری تأمین خدام نه قادر صاعلام اساسلر واریسه، صورت حقندن کوزو که رک هپسنی بالطالامق ایستین بوزغونجیلر شیمدی ده بالطله لرنی عائله نك تمللرینه چویردیلر.

نکاح قییمق وظیفه سی شیمدیلک محله اماملرندن و آتیا ویرلک ایستینیلن شبکه نظرأ محکمه لردن آله رق کاتب عدلاره دور و تودیع ایتک ایسته یورلر! استانبولک مدنی بر شهر حاله کله بیلمه سی ایچون نکاح لرك کاتب عدلار حضورنده عقد ایدمه سی لازم کیورمش... استانبولک مدنی بر شهر حاله کله سیله نکاح لرك کاتب عدلار کله قیلماسی

علوم دینه نك نه قادر اهل ایدلدیکنی آکلامق ایچون دینی درس لرك نوعلرینی، عددلرینی، ساعتلرینی نظر تدقیقندن کچیره لم:

پروغرامده «قرآن و دین درس لری» عنوانی بر قسم وار. بو قسمده ویریلن ایضاحاته نظرأ ایلک مکتبلرک بش صنفلرنده هفته ده ایکیش دفعه قرآن و دین درس لری او قودیله جقدر. درس مدتی قرق دقیقه در. بومدت ایچنده هم قرآن کریم، هم ده دین درس لری تدریس ایدیله جکدر. دین درس لرنه عائد اولق اوزره طلبه ده کتاب بولنامه جقدر. معلم، قرآن کریمی تدریس ایدرکن مناسبت دوشوردکجه عقلنه کلن دینی مسئله لردن ده بحث ایدم جکدر. ایشته، علوم دینه یه ویریلن اهمیتک درجه سی!.

اوقومایه هنوز بسمله کش اولان بر چوجوغه؛ هر کون قرآن کریم درسی ویریلسه، ینه آزرشی او کره دیله بیلیر. هفته ده او قودیلان ایکی درس ایله هیچ برشی او کره دیله مز. قرق دقیقه، معلمک بر چوجوغه ویره جکی درس ایله اشتغال ایتمه سنه آنجق کافی کله بیلیر. مکتبه اصغری بر تخمین ایله قرق طلبه وارسه، بو قرق دقیقه دن هر چوجوغه بر دقیقه دوشر. معلم، مسیحادم بر کیمسه اولسه بیله، قرآن کریم درسی چوجوغه بر دقیقه ده نفخ ایدم مز! چوجوقلر ایله یکان یکان اشتغال ایتمه یی بر معلم ده هیچ برشی او کره ته مز. یالکنز قرآن کریم درسی بیله قرق دقیقه ایچینه صیفدیرمق امکانی یوق ایکن، دین درس لری ده آرایه کیریور. ما هر معارف وکیلزک، عادتاً، ده وه یی ایکنه نك دایکندن کچیرمک ایسته دیکی کلاشیلور! او قرق دقیقه ایچنه صیقشوب قالان، نه معلمده نه ده طلبه ده کتابی بولنمایان، قرآن کریم درسیله علاقه سی اولمایان دین درس لرنک، نه صورتله و نه مناسبتله او قودیله بیله جکفی بز آکلا یه میورز. اگر آکلا یان وارسه، مطلقاً «رفاعی» در!.

تدریسانده کوروله جکی شبه سز بولنان جدیتسز لکلری، اهلیتسز لکلری ده داخل حساب ایدنجه، مکتبلرده معارف دینه نك کلیاً افلاسنه طوغر و کتدیکنه حکم ویره مزه هیچ بر مانع یوقدر. یالکنز پروغرامده - نقش بر آب کی - منقوش بولنان «قرآن کریم و دین درس لری» نك مکتبلردن قالدیرلما سی معلملر قونفره سنده تکلیف ایدوب ده قبول ایتدیرمه یی قومونست صدرالدین جلال بک، رفیق لرنی مؤاخذه صدندنه نشر ایتمش اولدینی مقاله سنده «یکی پروغرامی تدقیق ایدر سه کز؟ سزدن ده انقلابی اولان معارف وکیلک بو غایه یه طوغری مهم بر خطوه آتمش بولندیغنی کورورسکز». دیوردی. معلم مومی الهی تأمین ایدم که یالکنز بر خطوه آتمقله قالماس؛ ایلک حمله ده منزل مقصوده واصل اولمشدر! کندیس ده معلملره مجادله سنده مغلوب دکل، غالب موقعنده بولنیور!.

بو بوزغونچیلر حریت ، حریت دییه ، دییه قیز وارکک اولادی آنالرینک ، بابالرینک نفوذلری ، تربیه لری ، تأثیرلری آلتندن چیقاردیلر؛ ابوینک اولاد اوزرنده یالکیز محکمه لرده نظر اعتباره آلینه بیله جک قورو برحق ولایتلری قالمش ایدی . شیمدی مدنیت ، مدنیت ، دییه کنج قیز وارککله او حق ده اوزرلرندن آندیره رق کلیاً باشی بوش بیراقی ایسته یورلر . . . کیم بیلیر دهانه لر یاقی ایسته یه جکله ؟

بشقه بریله ازدواجنه شرعی وقانونی مانعی بولنان برکیمسه ازدواج ایتمه ک قالدیشه جق ، محله امامنه نکاح قیدیرامیه جغنی آکلایه جق ، چونکه مانع ازدواج برحالی بولندیغنی محله اهالیسیله برابر امام ده بیله جک ، کلین و کوکی نامزدلری کاتب عدلاکجه مراجعت ایتمکی یکانه بر چیقاریول اولق اوزره دوشونه جک و مراجعت ده ایده جک ، کیم بیلیر هانکی کیمسه دن آلاجنی علم و خبری کوستره جک ، پاره ایله صائون آلتمش بو علم و خبره استناداً کاتب عدل درحال نکاحلرینی قیه جق ، بوزغونچیلر بویکی ازدواجک میساجیلری اوله جق ، مدنیت مدالیسه ده بالطبع اولنرک کوسلرینه تعلیق ایدیله جک . . . هی کیدی مصلحله . . .

## عصریلرک ارتدادی حمایه لری

مظفر اسمنده بر خانم قوجه سندن بوشاق ایسته مش ، قوجه سی موافقت ایتمه مش ، حتی باباسی نزدنده بولنان زوجیه سینه بر مکتوب کوندره رک ، الله امرایتسه دخی کنیدیسی بوشامایه جغنی بیلیریمش ، نهایت ایش محکمه یه دوشمش ، مظفر خانمک دعوی وکیلی ، زوجک ارتداد ایتمش اولدیغنی ، بناء علیه نکاحک کندی کندینه انفساخ ایتمش بولندیغنی ایلری سوردرک محکمه دن او یولده بر قرار آلق ایسته مش ، فقط محکمه ارتداد تلقی ایتمه مش ، دعوی وکیلی ده فتواخانه یه مراجعت ایده رک او سسوزک موجب ارتداد اولدیغنه ونکاحک بالطبع منفسخ بولندیغنه دائر بر فتوی آلمش ، فقط بو آنده زوج ایله زوجیه آرهنده محکمه وقوعه کلمش مسئله ده بوسورتله قاپانمش ایسه ده عصریلر حادثه یی محکمه صالونندن سوروکله یه سوروکله یه ، مطبوعات ستونلرینه کتیرمشلردر .

اولاً « اقدام » مخبری حادثه یه عصریلرک نظر دقتلرینی جلب ایتمش ، کیتیدن بوسورتله خبردار اولان عصریلک علمداری حسین جاهد بک (هانکی مملکتده یز؟ هانکی عصرده یز؟) سرلوحه سیله یازدیغنی باش مقاله ده ارتدادی بوتون قوتیه حمایه ایتمه ک جالیشمش وعصریلک مکتبک ممتاز شا کردلرندن نجم الدین صادق بک ده آقشامده (عرف وقانون) سرنامه سیله بر باش مقاله یازارقی استادینی تأیید ایتک وظیفه شناسلغنی کوسترمشدر .

آرهنده عجبانه مناسبت وار؟ زواللی مدنیت ؛ مدنیتک نه دیمک اولدیغنی بیلمه یسلرک آلرنده ، دیلارنده نه ایکننج حالله کلدک ، نه کولونج موقعله دوشدک . . سن بر فضیلت ایکن رذیلت اولدک . . سن بر نور ایکن ، ظلمته انقلاب ایتدک . . سن بر علویت ایکن ، سفلیت تلقی اولنیورسک . . سن بر حامل سعادت ایکن ، واسطه سفاهت اتخا ایدلدک . . تعزیت ، تعزیت سکا ای مصیبتزده مدنیت یازیق ، یازیق سکا ای خادم بشریت . .

اگر مدنیت ، بوزغونچیلرک ظن ایتدیکی کبی برشی ایسه ، سوقاق لونیاتی اوزرنده طاشیان بلدیله عربیلری کبی ، اخلاق واجتماعیات لونیاتی سینه سنده طاشیان بروسطه فسق و فجور ایسه ، مسلمانلر اولیه مدنیتی مفتونلرینه بیراقه رق وحشی قالمای جان منت تلقی ایده جکلردر . .

بوزغونچیلرک نکاحلری کاتب عدلله قیدیرمق ایسته دکلرینک سببی نه ایمش بیلیرمیسکیز؟ هرملته منسوب قادین وارککلر یکدیگریله سوشیورلریمش ، یکدیگرلرینی آلق ایسته یورلریمش ، فقط پاپاسلر ، خاخالملر ، اماملر اولنرک نکاحلرینی قییمیورلریمش ؛ چونکه دینلر ، آیری آیری دینلر منسوب قادینلرله آرککلرک یکدیگریله ازدواج ایتمه لرینه مانع اولیوریمش بو حال استانبولک مدنی بر شهر حاله کلمسه امکان ویرمیوریمش ؛ بوردک یکانه دواسی ازدواج مسئله لرینک پاپاسلرک ، خاخالملرک ، اماملرک آلرنه رق کاتب عدلله ویرلمسی ایمش ، بشقه درلو ، مدنی بر ملت اولق احتمالی یوقش . . . اوله یا ؛ یکرمنجی عصر مدنیتده بولنیورزه بویله بر عصرده دینلری ، پاپاسلری ، خاخالملری ، اماملری نکاح مسئله لرینه قاریشدیرمق قادار مدنیتسزلک ، اسکی قافاللق اولورمی ؟ . .

بوزغونچیلرک بو نظریه لرینه کوره هر هانکی بر مسلمان قیزی مسلمان اولمایان هر هانکی بر ارکک ایله معاشقه ده بولنه رق ، نهایت اوکا وارمق ایسته یه جک ؛ فقط ، نه منسوب اولدیغنی طاهر رئیس راضی اوله جق ، نه ده محله اماملری نکاحلرینی قیه جق . . . بوجهی بیلن خانم افندی طوغریدن طوغری یه کاتب عدلاکجه مراجعت ایده رک ، ساخته شاهدلر و یاخود ساخته وثیقه لر ایله ازدواج مانع برحالی بولمادیغنی اثبات ایده جک ، کاتب عدلاکده همان نکاحلرینی قیه جق ، عایشه خانم افندی کیریبه خرستو ویا بارون خاچیک ، یاخود موسیو بیهر ایله قول قوله کیره رک اورادن آریله جقلر . . بوسورتله استانبولده مدنی بر شهر حاله کلمش اوله جق . .

دینی ، مذهبی ، ملیتی اولانلر بو رذالت اجتماعیه یی ، بو دنانت اخلاقیه یی ، بو حقارت دینی یی ، بوجنایت مذهبی یی ، بواهانت ملیه یی قبول ایده مزلر . بوزغونچیلرک عصری معدملری ، مدنی حوصله لری بو قادار کنیش ایسه ، اوکا دییه جک یوق . .